

Muitalægje

čuvgetusa haleduvvidi sami gaskast.

Num. 7.

Juli manost 1875.

3ad jakkodak.

Caccesullost Juli manost 1875.

Soabmasak vegjik maida sami gaskast muittet, atte moanai jagi dast oudalest jodi sami ædnam čada olmai, gæn namma læi Eilert Sundt. Min avisi soappa su namma sagga burist damditi go son læi okta daina olbmain, gutte ærenoamaš lakkai bargai dutkat dai olmui dile, gæk huoneb gærdasažžan lavijek lokkujuvvut. Su jottem maŋŋel sameædnam čada læ son manga čaba sane čallam maida sami birra. Dal loapatek dam saga daina morašlaš muitalusain, atte su dabellaš vagjolæbme læ nokkam. Ioktage læk min ædnamest nuftgo son albmuga ja huoneb gærdasažžai dile dituštam ja dam nuft duodalažat čilgim stivrejeggidi. Stuurra farro sikke Eidsvoldast, gost son læi bappam, mutto vela Kristianiastge čuvu su rübmaša havdai. Lakka 3000 olbmu čuvu su.

— Min darro avisak læk dam aige læmaš devdujuvvum sagain gonagasa reiso birra Danmarka ja Tuiska ædnam čada. Juokke sadne sust goccetuvvu ja darkelvuodain dutkujuvvu. Ollo avisain dak maida moittujuvvujek. Dal læ gonagas Petersborgi mannam.

— Okta særve Kristianiast, mi bargamen læ mission-daihe Ibmel sane sardnedam bargo oudedet min ječamek rikast, ani man-

nam manost čoagganæme, masa ollo olbmuk legje čoakkai boattam. Særve oudastolmai čilgi dasto særve bargo birra vassam jagest. Dam čilgetusast oidnujuvvu, atte dat særve algo jagi i nagadam æmbo go guokte jotte sardnedægje balkatet, mutto dagjak læ obba guttas bargoses valdam. Danen sardnedægjen valjijuvvujek daggarak, gæina vieljai gaskast læ buorre bagalmas sikke addaldagai ja ællem harrai. Dal i loga særve aldes ælo vailot, mutto bargek læk vaddasabbuk gavdnat. Ædnak guovluin gullo dal dat čuorvas, atte lagjo læ stuores, mutto bargek læk uccan, ige læk særve mange muddui mattam airasidesguim ollet juokke sagjai, gost gaibadusak læk boattam. Dam čilgetusast, mi særvest lokkujuvvui, matta oidnujuvvut, atte dam airasi bargo i læk duššas læmaš.

— Stuurra oasse min rika olbmuin orruk dal dam arvadussi boattam, atte jos mi galgap likkolaš olmušen šaddat sikke aigalažat ja agalažat, de fæрте æmbo bargujuvvut dam ala, atte albmuk skuvlak buorebuk šaddašegje ja skuvlaaige gukkanifči. Mutto jos skuvlak galgik buorebun šaddat, de færtijek skuvlaolbmak maida buorebut balkašuvvut, go dam ragjai. Matolaš ja buristdokkalaš olbmak æi mana galli dam bargoi, mi juo ješaldes læ sagga vaibadægje, dam balkai, mi dal læ ænaš baikin balkan, ja

ollok dainage, gæk æljost čuvgetusa vida-næme diti dam fidnoi mannik, læk færtẽm dam hæittet, damditi go dat i mate æletet bargides. Nuft oidnep ollo opategjid æra dillai lavkemen, go moadde jage læk skuvlast bargam. Buorre skuvla ja buorre čuvgetus læ rika doarja, mai vægald dat čoa-kest bisso. Dat dovdo baiti maida dam divvases (hanes) Jaabeka dagjagaš stuorradigge oudi buktet dam arvalusa, atte 100,000 speise galge miedetuvvut rika kasast skuvlaolbmai balka buoredæbmai, mutto dat komite, gutte dam arvalusa oazoi jurdašæme vuellai valdet, vigati, atte 60,000 speise dam adnui galgašegje miedetuvvnt. Dat miedetuvvui maida. Mi min mielast baččau matta orrot dam ašest, dat læ dat, atte min oudasažak stuorradiggest, gæid Hammerfesta avisa nuft angeret bargai valjem aige matkai oazžot, legje dam balka lase-tæme vuostai. Man sujast si legje vuostai, dat i læk buorre arvedet. Æp mate æra dakkat go šuokkemin vaidet, atte min oudasažai oaidno galga læt nuft garče, atte æi galga arvedet, mai gaskaomi bokte čuvgetus galgaši ollet maida æraidi go sturruidi. Hui gærgadak læmaš min oudasažak balkalasi miedetet daidi, gæina læ bagjel duhat speise jakkasaš balkan, jos skuvlaolbmaidi æi orrum juollodæme ovtage enkala, vaiko mai dittik, atte min vaivaš giel-dain i lifči appe æmbo ja stuorab oafara dakkat skuvlaolamai balka buoredæme diti, jos vela miellage doallaši.

— Ruttahedin oidnu dam aige biekkom mietta rika. Min rutta læ olgoædnami mannam; min mavsolæmus galvo, nammalassi muorra, i jodi bællehaddaige dokko, gosa dat oudal læ lavem vuvdejuvvut. Jos dat mattage vissisvuodain dittut, atte dat dille i læk bistevaš, de dat almaken læ givsalaš

nuft gukkago bissta.

— Vargain læi illodæbme stuores go dat dietto oli dokko, atte stuorradigge læ 20000 speise miedetam, maina hamana bargatiš-goattet. Dat haman bargo galga luoitto mielde makset 290000 speise ja loge jage gæčest gærgat. Mi æp læk gullam juogo bargo læ algujuvvum.

— Rangastusfanga Wallin, gæn birra mi oudalest læp mitalam, atte son goddi Ham-mara, gutte bagjeligæččen læi bigjujuvum Bergen tugthusa ala, læ dal dubmijuvvum hægatuttujuvvut. Son læ vuogadvuoda oudast færtẽm dovdastet, atte su ulbme læi dalle goddet, vaiko gi læi sudnji lakkanet. Dagar luodo navden matta olmuš šaddat, go buoreb ja njuorrasab dovdo jametuvvu ja væittalassi bæssa dat suddolaš vaibmo mannat.

— Ovta Hotelast (dak vistek gavpugin, gost jottik ja matkalažak vuostaivaldujuvvu-jek) dappatuvai duvle dat soaigos dappat-us, atte guokte vieljaš, gæk Tuiskaædna-mest læga boattam, goddiga ječasga. Guk-tuin læi čodda rastačuppjujuvum. Doaktar-ak, gæk læk gæččam havid, oaiveldek, atte nubbe læ vuost guoimes goddam ja dasto ječas.

Olgoædnam ođđasak.

Franska stuorradiggest læ masa ali stuibme, mutto dam bargost uccan ouda-næbme. Gukka aige læ okta oasse dam nuggo adnam, atte dala stuorradigge berre loappat ja ođda valjijubme adnujuvut dam doaivageš, atte æmbo republikanalazak dal-le šaddašegje valjijuvvut, mutto de læk fast æra oasek dam arvalusa vuostai. Mada Frankrikast læmas daggar issoures čacedul-vek, atte æi dušse vistek, bældok ja oamek

Num. 8.

Obb
rastattuj
mano ra
dego ase
de i mat
(mila) æ

Aibi
amas gi
nuft nja
dollujuv
goaikoti
ce daih
oidnutge
čadačuc
Damditi
na buor
mo i la
tan bis
migjidi
Atte ai
ge dail
vut, att
mattik
mi oai
assai,
da dat
aibas
alme v
net, at
læ obl